

Myrmecophyes Oschannini FIEB. Verh. zool.-bot. Gesellsch. Wien, XX. p. 253. tab. 6. fig. 10. (1870).

Myrmecophyes tricondyloides OSHAN. Bull. Soc. Moscou, XLIII. 1. p. 131. (1870).

Myrmecophyes albo-ornatus REUT. Hem. Gymn. Eur. IV. p. 107 et 172. tab. 1. fig. 21. et tab. 5. fig. 8. (1891).

Croatia: Raduč! in monte Velebit 700 m. s. m., leg. d. 25. Julii 1893 L. BRÓ (Mus. Hung.); Fennia: Maaselgå!, leg. J. SAHLBERG (Mus. Hung.), Tolvaja!, leg. B. POPPIUS (Mus. Hung.); Rossia: Kazan!, leg. d. 24. Junii 1898, etiam in copula E. CSIKI (Mus. Hung.). — Occurrit praeterea per totam Sibiriam usque ad terram Amurensis, unde C. STÅL primo formam macropteram descripsit.

Forma macroptera, quae hucusque solum in hac specie cognita est, rarissime reperitur. Inter 51 specimina (27 ♂ et 24 ♀), quae clar. E. CSIKI in Rossia ad Kazan legit, tantum feminae duae macropterae inveniuntur. Marem macroptera in Sibiria (V. Sujetuk) lectum in collectione Musei Zoologici Universitatis Helsingforsensis vidi.

2. *Myrmecophyes monticola* n. sp.

Brachypterus, elongatus, niger, glaber, capite, pronoto et abdomine aeneo-nitentibus; capite basi pronoti paullo magis quam $\frac{1}{3}$ latiore, vertice plano et quam oculo fere $\frac{3}{4}$ (♂) vel $\frac{3}{5}$ (♀) latiore; oculis sessilibus; antennis subglabris, nigris, articulo primo latitudine verticis fere duplo (♂) vel dimidio (♀) longiore, lineari, gracili, flavo-testaceo, apicem versus setulis nonnullis semierectis nigris instructo; articulo secundo articulo praecedente $2\frac{1}{4}$ (♂) vel fere $2\frac{1}{2}$ (♀) et quam articulo tertio $\frac{1}{3}$ (♂) vel fere dimidio (♀) longiore, articulo quarto articulo tertio fere dimidio (♂) vel $\frac{2}{5}$ (♀) brevior; rostro apicem coxarum posticarum attingente, toto nigro; pronoto transverso, basi longitudine sua $\frac{3}{5}$ latiore, apice subtilissime transversim strigoso, lateribus subrectis (♂) vel ante medium nonnihil arcuatis (♀); mesonoto sine scutello pronoto $\frac{1}{4}$ brevior, convexiusculo, subnitido, scutello parum discreto, concolore; elytris subopacis, obsolete punctatis, nigris, apice rotundatis et albo-limbatis, limbo apicali albo extus antrorsum oblique usque ad medium marginis costalis extenso, angulo apicali interno subrecto, externo latissime rotundato; abdomine laevigato, basi leviter coarctato, retrorsum sensim ampliato, in triente apicali latissimo, marginibus lateralibus rectis; pedibus ferrugineo-testaceis, tibiis et tarsi totis vittaque percurrente postica femorum posticorum nigris (♂) vel tibiis solum apice cum tarsi nigris (♀). Long. ♂ $3\frac{1}{2}$, ♀ fere 4 mill.

Turkestan: Makbal! in montibus Alexandrinis, 9870' s. m., leg. A. KIRITSHENKO, d. 5. Junii 1910. (Mus. Helsingfors.)

A *M. albo-ornato* STÅL jam structura capitis et abdominis mox distinguendus.